

Lesoni 3 Epereli 19,
2025

VAKATAKARAKARATAKI ENA VAKAWATI



"A sa kaya vei au
ko koya, Mo vola,
sa kalougata ko
ira sa kacivi ki
nai vakayakavi ni
vakawati ni
Lami." ' A sa
kaya vei au ko
koya, Oqo gona
na vosa dina ni
Kalou' "


Vakatakila 19:9



Eda raica vakawasoma ena I Vola Tabu taucoko ni ra vakatauvatani na tamata ni Kalou kei na yalewa sa qai vakawati.

Ena so na gauna eda raica ena vakawati oqo e so na yalewa yalodina (Repeka) sega ni yalodina (Komera.)

Ena so tale na gauna era vakatakilakilataki vakadodonu ga na yalewa yalodina (wati ni Lami) yalewa dautagane (Papiloni na ka Levu.)



Vakatakarakataki ena vakawati.



Sega ni yalodina:



The abandoned young woman.



Na wati Osea.



Papiloni na Kalevu.



Yalodina:



Repeka.



Na Wati ni Lami

VAKATAKARAKARATAKI ENA VAKAWATI

“O koya oqo sa biuta kina na tamana kei tinana na tagane, ka kabita na watina; a rau na lewe dua ga” (Vakatekivu 2:24)

Ena nona bulia na tamata na Kalou, e qai solia vua e rua na I solisoli: Na Siga Tabu (Vakatekivu 2:2-3) kei na Vakawati (Vakatekivu 2:24.) E koto ruarua kina na veiwekani: veiwekani kei na Kalou, veiwekani ni tagane kei na yalewa.



Ena kena taucoko, na vakawati e I yaloyalo vinaka vakaoti ni nodratou veiwekani na lewe tolu va Kalou. Ni oti na bale, e I vakatakarakara ni veiwekani ni Tagane Vinaka vakaoti—Jisu—kei na Watina—soqoso-qo lotu(Efeso 5:31-32.)

Ena I Vola Tabu taucoko, eda raica ni sasaga vakaukauwa ni tagane vakawati me vakavinakataka na watina ka me vakalesu-ya mai nona loloma. Na I vakaraitaki oqo ni vakawati, e vakavulici keda ena noda I tovo ena nooda bula vakawati (kedrau maliwa e rua na tamata bale):



Vosota na watimu, se mani vakacava na kena dredre



Me vaka sa vosoti keda o Karisito ni da se I valavalaca

Ciqoma na watimu, noona cala kei na ka kece



Me vaka sa ciqomi keda vakakina o Karisito

Vakaliuca na watimu



Me vaka sa vakaliuci keda o Karisito



SEGA NI
YALODINA



THE ABANDONED YOUNG WOMAN

“Ia ni’u a lako voli yani ka raici iko, sa qai nomu gauna na gauna mo lomani kina; ia ka’u a tevuka yani vei iko na noqu i tutuvi ka vakaisulutaki iko: io, ka’u a bubului vei iko, ka ia na veiyalayalati kei iko, sa kaya na Turaga ko Jiova, ia ko a yaco mo noqu.” (Isikeli 16:8)




Ena raivotu, sa vakaraitaki ki vei Isikeli na nnona kunea na Kalou e dua na goneyalewa (Isireli) ka sa biu laivi tu; solia ki vua na bula; vukea me tubu cake; ka cakava kei koya na veiyalayalati ni vakawati; ka yaco me lagilagi vei ira kecega (Isikeli. 16:1-14.)

Oqo nai soqoni nii talanoa ni nodra lomani na tamata ni Kalou ena nodra biuti ljipita mai me yacova mai na gauna sautu ni veiliutaki nei vakatui nei Tevita kei Solomoni, ena gauna ka matavinaka kina ko Isireli vei ira na matanitu kecega (1 Tui 10:1.)

Ia e guilecava o Isireli ni I solisoli ni Kalou matavinaka oya, ka I yaloyalo ni lagilagi ni Kalou (Isikeli 16:14,) ka vukitani mai vua na Watina, ka vakadautaganetaki koya kei na vei kalaoutani eso (Isikeli 16:15-17.)

Eda a buli me da I yaloyalo ni vinaka kei na lagilagi ni Kalou. Ni da sa nanuma ni vu ga mai vei keda na na noda vinaka, oqori na vanua ka tekivu kina na leqa.



NA WATI OSEA

"Ogo nai vakatekivu ni vosa i Jiova vei Osea. Sa kaya ko Jiova vei Osea, Mo la'ki kauta e dua na yalewa dautagane me watimu, kei iratou na luve ni butako me luvemu: ni sa dautagane vakalevu na lewe ni vanua, ka ni ra sa vuki tani vei Jiova. ." (Osea 1:2)






Taumada, sa vakaraitaka vakamatata na Kalou ni I vakaro ka soli ki vei Osea me vakawatitaki Komera (o koya sa dautagane ka biuta na watina) e I vakatakarakara ni nona veiwekani kei na Kalou ko Isireli (Osea 1:2.)

O Osea e vakayagataka na veigauniusala e vuqa me rawata lesu na loloma nei watina (Hos. 2:6-7, 14-15.) Me vaka ni sa sega ni rawata lesu, sa mani saumi koya vakailavo (Osea 3:2-3.)

Dina sara, na nona vakabulai keda na Kalou e sau levu cake mai na "15 na tiki ni siliva, dua na omeri perile, kei na dua na afa omeri parile"

Ka ni rarawa, ni Lotu alegae muria na gaunisala veivakacalai era a muria na Isireli. Ia na loloma ni Kalou e sega ni veisau(Osea 11:4.) E tomana tikoga na nona vakamasuti keda me da biuta tani na "dautagane ka lesu Vua (Osea 14:1-2; Vakatakila 18:2-4.)




PAPILONI NA KA LEVU

"A sa volai e na yadrena na yacana vakaoqo, SA SEGA NI KILAI, O PAPILONI NA KA LEVU, A TINADRA NA DAUTAGANE KEI NA VEIKA VAKASISILA KEI VURAVURA" (Revelation 17:5)

Na cava se o cei o Papiloni?

A yalewa savasava e vakatakarakarataki ira na tamata yalodina ni Kalou (Vakatakila 12:1; Eph. 5:25-27.) Papiloni, na tinadra na dautagane, e vakatakarakarataki ira na tamata ni Kalou ka ra sa vukitani mai Vua ka vakararavi ki vei ira na tui kei vuravura (Vakatakila 17:1-5.)

Na nodra tawayalodina oqo na nona tamata e vakavuna na rarawa vua na Kalou. E drau vadrau na yabaki na nona saga me vakalesu - ya na nona Lotu me ki na savasava, ia e lewe lailai sara era lesu. Ena qai vakayacora nai otioti ni nona kaci (Vakatakila 18:4.)



Ni oti e dua na caka ca, e rawa ni yaco na veivinakati. Ia, ka ni rarawa, ena so na gauna ni sa yacovi na vanua ka sa sega ni rawa na lesu, sa qai sega dina ni rawa na veivinakati tale.


Ena yaco mai na gauna ka na lewai ka vakarusai koPapiloni kei ira kecega era tiko kina (Vakatakila 19:1-5.) Ia ko ira na yalodina, na Wati ni Lami era na bula tawamudu vata kei Jisu (Vakatakila 19:6-8.)



YALEWA
YALODINA

REPEKA



"A ratou a kacivi repeka, ka kaya vua, Ko na lako kei na tamata oqo se segai? A sa kaya ko koya, au na lako" (Vakatakivu 24:58)



Me vaka na I vakarau ena nona gauna, O Eparama e a lako yani me vakasaqara na watina na luvena tagane ko Aisake. Ia e sega ni gadreva me vakawati kaya e dua na yalewa ni Kenani, me dua ga na wekana, ka rauta na udolu na maile na kedratou veiyawaki (Vakatekivu 24:2-3.)

Na vuna oqo? E dina ga ni ra sega ni lotu vinaka na wekana, ia era qarava na Kalou dina, na kalou era sa cata na kai Kenani. Ke vakawati kaya e dua na yalewa ni Kenani o Aisake, na nona bula vakalotu ena vakanaulu sobu ki ra ena vuku ni nona I vakavuvuli vakatanin na watina.

Sai koya oya na veika e volaitukutukutaki ni yaco ki na Lotu ni sa "veimusumusuki" me vakawati kei na veimatanitu kei vuravura. Sa tekivu kina me vakayawaki koya mai na vakabauta dina. E dua tale na tikina matalia baleta nai talanoa oqo sai koya na dina nni nona a tarogi ko Repeka kevaka e vinakata me vakawati, baleta, me vaka na kena I vakarau, sa sega ni vo vua e dua na digidigi (Vakatakila 24:50-51, 57-59.) Me da okati me watina yalodina na Kalou e ka ni digidigi. Me da ciqoma na loloma nei Jisu ena noda kaya "au na lako."





NA WATI NI LAMI

"Tou marau ka reki, ka ia na vakarokoroko vei koya; ni sa yaco na vakawati ni lami, a sa vakarautaki koya vakataki koya na watina-yalewa." (Vakatakila 19:7)

Na I matai ni cakacaka mana nei Jisu e yaco ena soqo ni vakawati (Joni 2:1-11.) Mai na noda rai, na veika ka yaco oya e koto me I vakaraitaki ka me vukei keda ena noda kila na I Tuvatuva Levu ni Veivakabulai.

Na ka bibi duadua, oya me rawa vua na watina-yalewa (o keda) me da vakarau, eda gadreva na waini ka solia ko Jisu, oya na nona dra savasava (Joni 2:6; Vakatakila 7:14.)



O Jisu e vakayagataka talega na vosa vakatautauvata ni vakamau me dusimaki keda ki na I valavala ni vakavakarau eso ka dodonu me da vakayacora ki na nona na lako dina mai. E sega ni cavuti kiina o ira na watina, ia ko ira na sureti. E rawa beka ni ra watina ko ira na sureti?

Na cava soti eda vulica mai na vosavakatautauvata oqo?

- ❖ **Mo rawata na Yalo Tabu**
- ❖ **Ciqoma nomu kacivi**

**Lewe 10 na yalewa
(Maciu 25:1-13)**



- ❖ **Eda sureti taucoko ki na kana vata ni vakawati**
- ❖ **Me da vakaisulutaki keda y**
Karisito

**Vulagi Sega ni Sureti
(Maciu 22:1-14)**



“O Karisito sa I tokani ena veisiga ka weka voleka. Erau sa bula ka veitaratara sara vaka voleka, ka sema tiko vua na Kalou. Mai na veiwekani oqo sa tucake mai kina na lagilagi i Karisito. Sa kedrau I yaloyalo na rarama ka kilai kina na lagilagi ni Kalou ena matai Jisu Karisito. Oqo erau sa reki ena rarama levu ka cila mai na I serau kei na lagilagi ni Tui ena nona I ukuuku. Erau sa vakarau tu ena veitokani ki lomalagi; ni sa tu oti e lomadrau o lomalagi.”